

ҚАРОВСИЗ БОЛАЛАР МАНФААТИНИ КҮЗЛАБ.

Бош прокуратура хузуридаги Мажбурий ижро бюроси зиммасига энергия ресурслари, сув ва майший чиқиндилар бўйича тўлов интизомини янада мустаҳкамлаш, шунингдек, ижро иши юритиш тизимини тубдан такомиллаштириш вазифалари юклатилган.

Бюронинг Қувасой шаҳар бўлими томонидан ижро ҳужжатлари ижросини таъминлашда вояга етмаганлар манфаатларини кўзлаган ҳолда алимент ундирувларига жиддий эътибор қаратиб келинмоқда.

Хусусан, бўлим иш юритуvida жами 823 та алимент билан боғлиқ ижро ҳужжатлари бўлиб, улардан 516 нафар қарздор оталар ихтиёрий равишда мажбуриятларини бажариб келишмоқда, 307 нафари эса масъулиятни ҳис этмаган ҳолда фарзандларининг тарбияси ва таъминотига бефарқлиги сабабли уларга нисбатан тегишли чоралар кўриб борилмоқда.

Жорий йилнинг беш ойи давомида фарзандларининг моддий таъминотидан бўйин товлаган 15 нафар қарздор оталар Ўзбекистон Республикаси МЖТКнинг 47⁴-моддаси билан маъмурий қамоқ жазосига тортилган.

Бундан ташқари, яшаш жойи номаълум бўлгани сабабли қидиувга берилган виждонсиз 12 нафар оталардан 6 нафари топилиб, улардан қарздорликни мажбурий ундириш чоралари кўрилган.

Бюронинг давлат ижрочилари саъй-ҳаракатлари билан вояга етмаганлар манфаатларини кўзлаб жами 456.600.000 сўм пул маблағлари ундириб берилган.

Шу билан бирга, Бюро раҳбариятининг топшириғи билан “Май - вояга етмаган фарзандлар таъминоти учун алимент ундириш борасида самарадорликни ошириш ойи” тадбири сифатида белгилангани ҳамда рамазон ойи муносабати билан бўлим томонидан 20 дан ортиқ кам таъминланганлар, ногиронлар, қарздор ва ундирувчилари четга чиқиб кетиб, фарзандлари отонаси тарбиясида қолган оиласалар аҳволидан хабар олинниб, уларга моддий ёрдамлар кўрсатилди.

Вояга етмаган ва қаровсиз болалар доимо Бюро ходимлари эътиборида!

2019-05-30 21:36:15